

晚晴籀詩匯

晚晴簃詩匯卷二十目錄

吳偉業 五十二首

龔鼎孳 三十九首

曹溶 二十一首

周亮工 二十一首

曹容

二十一首

周亮工

二十一首

吳翰業

五十二首

龔鼎孳

三十九首

御筆錄詩圖卷二十目錄

晚晴簃詩匯卷二十

徐世昌

吳偉業字駿公號梅村太倉人明崇禎辛未一甲二名
進士歷官庶子福王時召拜少詹事入國朝授祕書
院侍講擢國子監祭酒有梅村集

錢牧齋曰捧持大集坐卧吟嘯如度大海久而得其
津涉清詞麗句富有日新有事采劉者或能望洋而
歎若其攢簇化工陶冶今古陽施陰設移步換形或
歌或哭欲死欲生或半夜而啼或當餐而歎則非精
求於杜韓二家吸取其神髓而飲助之以眉
山劍南斷斷乎不能窺其籬落識其阡陌也
沈歸愚曰梅村故國之思時時流露遺悶云故人往
日燭妻子我因親在何敢死不意而今至於此又病
中詞云故人慷慨多奇節爲當年沈吟不斷草間偷
活脫屣妻孥非易事竟一錢不值何須說讀者每哀
其志

詩話梅村年十四能屬文張西銘見而歎曰文章正
印在此子矣遂受業西銘之門專治春秋熟於兩漢

書三國志晉書南北史作詩原本唐人涉宋以後
一語古勝於律尤善歌行胎息初唐不囿於長慶陳
卧子謂其詩似李頎又極稱其維陽行一篇蓋集中
最深厚之作他如臨江參軍遇南廂園叟殿上行永
和宮詞蕭史青門曲松山哀雁門尚書行臨淮老妓
行楚兩生行圓圓曲思陵長公主挽詩諸篇皆志在
以詩爲史而事實舛誤及俗調浮詞亦所不免後來
摹擬成派往往無病而呻令人齒冷甚至以委巷見
聞形容宮掖調言自喜雅道蕩然則非梅村所及料也

毛子晉齋中讀吳匏庵手鈔宋謝翱西臺慟哭記

扁舟訪奇書夜月南湖宿主人開東軒磊落三萬軸別度
加收藏前賢矜手錄北堂學士鈔南宋遺民牘言過富春
渚登望文山哭子陵留高臺西面滄江綠婦翁爲神仙天
子共游學攜家就赤城高舉凌黃鵠尙笑君房癡甯甘子
雲辱七里溪光清千仞松風謾廬陵赴急難幕府從羈僕
運去須武侯君存卽文叔臣心誓勿諉漢祚憂難復昆陽

大雨風虎豹如蝟縮詭譎淖沱冰倉卒蕪亭粥所以恢黃
圖無乃資赤伏卽今錢塘潮莫救厓山麓空坑戰士盡柴
市孤臣戮一死之靡它百身其奚贖龔生天天年翟公湛
家族會稽處士星求死得亦足安能期故人共卧容加腹
巢許而蕭曹遭遇全高躅文山竟以殉趙社終爲屋海上
悲田橫國中痛王蠋門人蒿里歌故吏平陵曲彼存君臣
義此制朋友服相國誠知人舉事何顛蹙丈夫失時命無
以辭碌碌看君書一編俾我愁千斛禹績荒煙霞越臺走
麋鹿不圖疊山傳再向嚴灘續配食從方干豐碑繼梅福
主人更命酒哀吟同擊筑四坐皆涕零霜風激羣木嗟乎
誠義士已矣不忍讀

閬州行

四坐且勿喧聽我歌閬州閬州天下勝十二錦屏樓歌舞
巴渝盛江山士女游我有同年翁閬州舊鄉縣送客蒼溪
船讀書玉臺觀忽乘相如車謂受文翁薦游宦非不歸十
載成都亂只君爲愛子相思不相見相見隔長安干戈徒
步難金牛盤七坂鐵馬斷千山敢辭道路艱早向妻兒訣
一身上鳥道全家傍虎穴君自爲尊章豈得顧妻子分攜
各努力妾當爲君死淒淒復切切苦語不能答好寄武昌
書莫買秦淮妾巴水急若箭巴船去如葉兩岸蒼崖高孤
帆望中沒二月到漢口三月下揚州揚州花月地烽火似
邊頭驛路逢老親遷官向閩越謂通公車期蚤看長安月
再拜不忍去趣使嚴裝發河山一朝異復作他鄉別別後
竟何如飄零少定居愁中鄉信斷不敢望來書盡道是葭

萌殺人滿川陸積屍峨嵋平千村惟鬼哭客有自秦關傳
言且悲喜來時聞君婦貞心視江水江水流不極猿聲哀
豈聞將書封斷指血淚染羅裙五內爲崩摧買舟急迎取
相逢惟一慟不料吾見汝拭眼問舅姑雲山復何處淚盡
日南天死生不相遇汝有親弟兄提攜思共濟姊妹四五
人扶持結衣袂懷裏孤雛癡啼呼不知避失散蒼皇間骨
肉都拋棄悠悠彼蒼天於人抑何酷城中十萬戶白骨滿
崖谷官軍收成都千里見榛莽設官尹猿猱半以餉豺虎
尙道是閬州此地差安堵民少官則多莫卹蜀人苦淒涼
漢祖廟寂寞滕王臺子規叫夜月城郭生蒿萊只有嘉陵
江江聲自浩浩我欲竟此曲流涕不復道

磬清湖

吾宗老孫子住在礬清湖湖水清且漣其地皆膏腴隄栽
百株柳池種千石魚教僮數鵝鴨遶屋開芙蓉有書足以
讀有酒易以沽終老寡送迎頭髮可不梳相傳范少伯三
徙由中吳一舸從此去在理或不誣嗟予遇兵火百口如
飛鳧避地何所投扁舟指菰蒲北風晚正急煙港生模糊
船小吹雨來衣薄無朝餽前村似將近路轉忽又無倉皇
值漁火欲問心已孤俄見葭莢邊主人出門呼開柵引我
船掃室容我徒我家兩衰親上奉高堂姑艱難總頭白動
止需人扶妻妾病伶仃嘔吐當中途長女僅九齡餘泣猶
呱呱入君所居室燈火映窗疏寬閒分數寢嬉笑喧諸雛
縛帚東西廂行李安從奴前窗張罌網後壁掛耒耜苦辭
村地僻客舍無精麤翦韭烹伏雌斫鱠炊彫胡牀頭出濁

醪人倦消幾壺睡起日已高曉色開煙蕪漁灣一兩家點
染江村圖沙嘴何人舟消息傳姑蘇或云江州下不比揚
州屠早晚安集掾鞍馬來南都或云移民房插箭下嚴符
囊橐歸他人婦女充軍俘里老獨晏然催辦今年租餼畊
看賽社釀飲聽呼盧軍馬總不來里巷相爲娛而我游其
間坦腹行徐徐見人盡恭敬不識誰賢愚魚蝦盈小市鳧
雁充中厨月出浮溪光萬象疑沾濡放楫凌滄浪笑弄驪
龍珠夷猶發浩唱禮法胡能拘東南雖板蕩此地其黃虞
世事有反覆變亂興須臾草草十數人盟歆起里閭免園
一老生自詭讀穰苴漁翁爭坐席有力爲專諸舴艋飾於
皇蓑笠裝犀渠大笑擲釣竿赤手搏於菟欲奪夫差宮坐
擁專城居予又出子門十步九崎嶇脫身白刃間性命輕

錙銖我去子亦行後各還其廬官軍雖屢到尙未成邱墟
生涯免溝壑身計謀樵漁買得百畝田從子游長沮天意
不我從世網將人驅親朋盡追送涕泣登征車吾生罹干
戈猶與骨肉俱一官受逼迫萬事堪歔歔倦策旣歸來入
室翻次且念我平生人慘憺留羅襦秋雨君叩門一見驚
清癯我苦不必言但坐觀髭鬚歲月曾幾何筋力遠不如
遭亂若此衰豈得勝奔趨十年顧妻子心力都成虛分離
有定分久暫理不殊翻笑危急時奔走徒區區君時聽我
語顏色慘不舒亂世畏盛名薄俗容小儒生來遠朝市謂
足逃沮洳長官誅求急姓氏屬里胥夜半聞叩門瓶盎少
所儲豈不惜堂構其奈愁征輸庭樹好追涼翦伐存枯株
池荷久不開歲久填泥淤廢宅鋤爲田薺麥生階除當時

棲息地零落今無餘生還愛節物高會逢茱萸好採籬下
菊且讀囊中書中懷苟自得外物非吾須君觀鴟夷子眷
戀傾城姝千金亦偶然奚足稱陶朱不如棄家去漁釣山
之隅江湖至廣大何惜安微軀揮手謝時輩慎勿空躊躇
偕穆苑先孫浣心葉子聞允文游石公山盤龍石梁
寂光歸雲諸勝

大道無端倪眞宰有融結茲山在天壤靈異蓄不泄萬竅
凌虛無一柱支毫末疑豈愚公移愁爲巨靈拔劉根作堂
奧柳毅司扃鐫誰啟仙人閭繫我漁父柵刻鏤洪濛雲雕
搜大荒雪或人而疴癢或馬而蹄齧或負藏壑舟或截專
車節或象神鼎鑄或類昆吾切地肺庖丁解月窟工倕伐
石困封餽糧天廚鬻涓潔重謙累瓠甌短柱增櫨杙瓜瓢

明時余言曰卷二十一
觚稜剖木皮槎枿裂皚皚黃河水炎炎崑岡蕪崕呀舞辟
邪談聃張饗饗斗起聳雲關一道通箭筈碧藕玲瓏根文
螺宛委穴丹梯躡而上鬱鬱虛皇闕突兀撐青旻插地屏
障列一身生羽翰百尺跨虹蜺斷澗吟楓柝颯爽侵毛髮
側窺漏日影了了澄潭澈雞聲出煙井乃與人境接迴思
頃所歷過眼纔一瞥秦皇及漢武好大同蠓蟻齊諧不能
志炙輠不能說酈桑二小儒註書事抄撮陋襲李斯碑闕
補周王碣關仝亦妙手惜未適吳越嵩華雖云高無以鬪
巧拙時俗趁姿媚煙巒漫塗抹妄使傖父輩笑我驕蟻垤
京江吸金焦漢水注大別流峙合而匯奇氣乃一發睥睨
五嶽問誰與分優劣扶杖一村翁眼看話年月昔逢猶兒
童今見已耄耄昨聞縣帖下搜索到魚驚訝彼白鼉逃無

乃青草竭却留幽境在似爲肥遯設當年綺里季卜居探
薇蕨皓首走漢廷恨未與世絕若隨靈威去此處攬藤葛
子房知難致欲薦且捫舌浮生每連蜷塵界儘空闊謀免
妻孥愁計取山水悅入春桃李過韶景聽啼鳩籃輿累親
舊同載有二葉穆生老而健孫郎才且傑彼忘筋力勞我
愛賓朋挈過湖曳輕帆入寺憇深樾老僧諧語笑妙理攻
麴蘖曉起陳盤餐飽食非麤糲桑畦路宛宛筍屨行兀兀
快意在此游失記遺七八平湖鋪若茵盤石幾人歇蹲踞
當其旁拒戶相支遏黝黑聲訇稜欲進遭嗔喝側肩僅容
趾腹背供磨軋下踰蘚磴牢上覷崩崖豁攀躋差毫釐失
足憂一蹶前奇慕先過後險欣乍脫歌呼雜齟齬嘻笑視
履襪君看長安道高步多蹉跌散誕來江湖蒲伏羞干謁

頭因石文低腰向山靈折四月將已近天時早炎熱揮汗
何沾濡驚飈俄凜冽歸來北窗枕響入山溜澈不寐話夜
涼連牀擁裘褐晚歲艱出門端居意騷屑閒踪習羈旅逸
興貪放達跌蕩馮夷宮游戲天吳窟將毋神鬼怒亟遣風
雨奪勝事滿現前得失歸勇怯衰老偕故人幸喜茲游決
他年子胥濤百里聞咤咄鱸膾隨風雷頸鎖金牛掣鮫人
拭牀几神女洗環玦硯磕打空灘澎湃濺飛沫噲吟無射
鐘嘹唳蕤賓鐵孤客爲旁皇嫠婦爲悽咽那知捩柁下我
輦行車轍再拜告石公相逢慰饑渴旣從人間世忍再洪
波沒志怪作大言嗜奇私神物肯學楊馬鑄願受壺公訣
縮之入懷袖弄之置盆鉢栽松龍氣上蓄水雲根活長留
文士玩勿被山君竊嘗聞岫嶠峯科斗尊往牒剝蝕存盤

螭捫索嗟完缺此山通巴陵下有神禹札後代文字衰致
起龍蛇孽我有琅玕管上灑湘娥血濯足臨滄浪浩思吟
不輟未堪追陽冰猶足誇李渤隱從煙霞閑出供時世閱
刻之藏書巖千載應不滅

雒陽行

詔書早洗雒陽塵叔父如王有幾人先帝玉符分愛子西
京銅狄泣王孫白頭宮監鋤荆棘曾在華清內承直遭亂
城頭烏夜啼四十年來事堪憶神皇倚瑟楚歌時百子池
邊嫋柳絲早見鴻飛四海翼可憐花發萬年枝銅扉未啟
牽衣諫銀箭初殘淚如霰幾年不省公車章從來數罷昭
陽宴骨肉終全異母恩功名徒付上書人貴彊無取諸侯
相調護何關老大臣萬歲千秋相訣絕青雀投懷玉魚別

昭邱煙草白蒼茫湯殿香泉暗嗚咽析圭分土上東門寶
轂雕輪九陌塵驪山西去辭溫室渭水東流別任城少室
峯頭寫桐漆靈光殿就張琴瑟願王保此黃髮期誰料遭
逢黑山賊嗟乎龍種誠足憐母愛子抱非徒然江夏漫裁
修柏賦東阿徒詠豆其篇我朝家法踰前制兩宮父子無
遺議廷論繇來責佞夫國恩自是優如意萬家湯沐啟周
京千騎旌旗給羽林總爲先朝憐白象豈知今日誤黃巾
鄒枚客館傷狐兔燕趙歌樓散煙霧茂陵西築望思臺月
落青楓不知路今皇興念總帷哀流涕黃封手自裁殿內
遂停三部伎宮中爲設入關齋束薪流水王人戍太牢加
璧通侯祭帝子魂歸南浦雲王妃淚灑東平樹北風吹雨
故宮寒重見新王受詔還惟有千尋舊松枯照人落落嵩